

**02 IANUARIE**  
**RUGACIUNEA 4**  
**SF. CUVIOS**  
**SERAFIM DE LA SAROV**

**Молитва**

О, пречудный отче Серафиме, велий Саровский чудотворче, всем прибегающим к тебе скоропослушный помощниче.

Во дни земнаго жития твоего никто же от тебе тощ и неутешен отъиде. В сладость бысть всем видение лика твоего и глас благоуветливых словес твоих. Бысть дар исцеления недугов в тебе действуяй, дар прозрения, дар немощных душ врачевания.

Егдаже призва тя Бог от земных трудов к небесному упокоению, николиже любовь твоя преста от нас, и яко звезды небесныя не леть есть исчислити чудеса твоя. По всем концем земли нашае людем Божиим являешия и действуеши исцеления. И ныне имя твое славим, тя ублажаем, помощи от тебе требуем.

О, тихий и кроткий старче, дерзновенный ко Господу молитвенниче, николиже отринувый сердцем на тя надеющихся. Помолися о нас многомощною твоею молитвою ко Господу сил,

да вознесет Державу благочестивейшаго Императора нашего, да дарует нам вся благопотребная в жизни сей и вся к душевному спасению полезная, да оградит нас от падений греховных и истинному покаянию научит, да введет безпреткновенно в вечное Небесное Царство, идеже ты ныне в незаходимей сияеши славе. И тамо тебе, яко чада отца обстоя, да не престанем вкупе с тобою славити тя прославльшаго Бога. Аминь.